




KOMUNA E GJAKOVËS

OPŠTINA ĐAKOVICA/MUNICIPALITY OF GJAKOVA

Drejtoria për Zhvillim Ekonomik

THIRRJE PËR APLIKIM

Grante në kuadër të Programit
“Fondi Zhvillimor për Ndërmarrje Mikro”

Maj 2021

Drejtoria për Zhvillim Ekonomik (DZHE) në Komunë të Gjakovës, në bazë të nenit 9 të Rregullores për Ndarjen e Subvencioneve të Komunës së Gjakovës nr. 01-110/01-3560, në kuadër të Programit “Fondi Zhvillimor për Ndërmarrje Mikro” shpall këtë thirrje për aplikim për GRANTE të bizneseve lokale mikro të angazhuara në fushë të prodhimit, përpunimit dhe artizanateve tradicionale.

Qëllimi i Programit “Fondi Zhvillimor për Ndërmarrje Mikro” është që të ndikojë në gjenerimin e vendeve të punës, përmirësimin e mirëqenies sociale, si dhe zhvillim ekonomik lokal të Komunës së Gjakovës.

Vlera e financimit të një Granti do të jetë nga 2,000 deri në 5,000 Euro (duke përfshirë vet-financimin prej 20%)

I. KRITERET E GRANTIT:

1. Bizneset duhet të jenë të regjistruara në Zyrën për Regjistrimin e Bizneseve (ARBK) në Komunë të Gjakovës dhe të operojë në komunën e Gjakovës, ku edhe duhet të bëhet investimi;
2. Biznesi duhet të ketë të punësuar së paku *NJË* punonjës përveç pronarit.
3. Të jetë ndërmarrje mikro në pronësi 100% private (*sipas Ligjit Nr. 04/L-220 për Investime të Huaja, ndërmarrjet mikro kanë orej 0 deri 9 punëtorë*);
4. Të gjeneroj punësim me marrjen e grantit;
5. Bizneset duhet të dëshmojnë se janë funksionale, të qëndrueshme në treg dhe kanë kapacitet të mjaftueshëm për zgjerimin e prodhimit, qarkullimit dhe rritjen e numrit të punonjësve. *Këtë e dëshmojnë përmes deklarimeve të ATK-së për periudhën TM4 2020 dhe TM1 2021*;
6. Bizneset të cilat promovojnë ide kreative dhe inovative në tregun tonë do të kenë përparësi;
7. Përparësi kanë bizneset që udhëhiqen nga gratë, të rinjtë nën 35 vjet, nga komunitetet pakicë, dhe ato biznese të cilat nuk kanë përfituar asnjëherë nga fondet e Komunës së Gjakovës;
8. Në momentin e aplikimit biznesi duhet të dorëzojë Profaturën/Ofertën për paisjet dhe mjetet e punës të planifikuara për investim;
9. Bizneset duhet të kontribuojnë me vetëfinancim, më së paku më **20%** të vlerës së grantit të fituar, varësisht nga kostoja e pajisjes, dhe nga vlera e grantit të fituar;
10. Bizneset duhet të dëshmojnë se i kanë të paguara obligimet ndaj ATK-së, tatimit në pronë dhe taksës në firmë.

II. ÇFARË FINANCOHET NGA GRANTI:

1. Blerja e pajisjeve dhe mjeteve të punës.

III. KRITERET JOKUALIFIKUESE:

Aplikantët potencialë nuk mund të marrin pjesë në këtë thirrje apo të përfitojnë grant nëse gjenden në ndonjërin prej situatave që renditen si më poshtë:

1. Bëjnë pjesë në njërin prej veprimtarive si: tregtia (me pakicë e shumicë), ndërtimtaria dhe shëndetësia;
2. Paraqet veti diskriminuese apo ka ndikim negativ në shoqëri dhe komunitet;
3. I shkakton dëme ambientit apo ndonjë grupi tjetër të marginalizuar;
4. Keni qenë përfitues të Granatit nga DZHE në 3 vitet e fundit;
5. Ka orientime apo qëllime politike;
6. Kërkon grante për të blerë tokën për ndërtim;
7. Merret vetëm me tregtimin e produkteve;
8. OJQ-të nuk kanë të drejtë të aplikojnë;
9. Keni bërë ndryshim në biznes pas datës së shpalljes publike për Aplikim;
10. Nëse vlera e projektit është nën ose mbi shumën e vlerës së financimit sipas kësaj thirrje;

IV. PROCEDURA E APLIKIMIT

Forma e Aplikacionit mund të merret duke klikuar në ueb-faqen zyrtare të Komunës në linkun: <https://kk.rks-gov.net/gjakove/category/konkurset-njoftimet/aplikacione/> , si dhe i njëjti mund të merret pranë Qendrës për Informim në objektin e Komunës së Gjakovës.

Pasi ta keni plotësuar aplikacionin, së bashku me dokumentacionin mbështetës që kërkohet, duhet të aplikoni në **formën fizike** në zyrën e Arkivës të Komunës së Gjakovës, ku protokollohet dokumentacioni dhe ju do të merrni numrin e protokollit, që dëshmon se JU KENI APLIKUAR.

Një aplikant **nuk mund të dorëzojë më shumë se një aplikacion** në këtë thirrje.

Për çdo paqartësi, mund të dërgohen pyetje shtesë në email-in vijues: gjakova.biz@rks-gov.net më së voni deri më 7 Qershor 2021, si dhe duhet të tregojë qartë referencën për programin. Komuna nuk ka për obligim të ofrojë qartësime të mëtutjeshme ndaj pyetjeve që dorëzohen pas këtij afati.

V. AFATI I APLIKIMIT:

Afati i aplikimit është **15 ditë kalendarike** nga hapja e thirrjes për aplikim (**1 Qershor deri 15 Qershor 2021 ora 15:00**)

VI. DOKUMENTET E NEVOJSHME PËR APLIKIM:

1. Aplikacioni;
2. Kopje e letërnjoftimit;
3. Kopje e Certifikatës së Biznesit me të gjitha informatat përcjellëse (certifikata duhet të jetë e re, lëshuar nga ARBK sipas numrit unik identifikues);
4. Deklarata vjetore e qarkullimit e raportuar në ATK për vitin 2020 (TM 4) dhe 2021 (TM 1);
5. Listën e punëtorëve për vitin 2020 dhe 2021 të lëshuar nga ATK (mund të nxjerrët online nga ueb-faqja e ATK-së);
6. Oferta / Profatur me të gjitha shënimet e duhura si: numri i regjistrimit të biznesit, numri i pro faturës, emri i plotë i furnitorit (shitësit), adresa e saktë, nënshkrimi dhe vula e shitësit, dhe të gjitha të dhënat tjera të rëndësishme për furnitorin ku do të blihet pajisja/et, specifikacionin dhe fotot e pajisjeve apo mjeteve të punës me çmimin përkatës;
7. Vertetimi i ATK-së, tatimit në pronë dhe taksës në firmë;
8. Konfirmimi Bankar i Biznesit.

VII. PROCEDURAT E VLERËSIMIT:

Faza e parë e vlerësimit të aplikacioneve do të përfshijë një “kontroll administrativ” për të siguruar që aplikantët kanë përmbushur rregullat e kualifikimit dhe dokumentet e kërkuara për aplikim. Përderisa, faza e dytë dhe përfundimtare përfshinë vlerësimin përmbajtësor të aplikimit duke u bazuar në kriteret përzgjedhëse dhe nëse ndërmarrja ka perspektivë të mirë të të qenit e suksesshme dhe e qëndrueshme, si dhe që implementimi do të kontribuojë drejt përmbushjes së qëllimit të Thirrjes për Grante. Grantet do t'i jepen aplikantëve me pikët më të lartë të mbledhura.

VIII. FORMA E PAGESËS SË GRANTIT:

Granatet jepen në formën e parave të gatshme, pasi që biznesi sjell dëshminë respektivisht faturën e rregullt për blerjet (investimet) që i ka bërë, e të cilat duhet të

jenë në përputhshmëri të plotë me kërkesën për investim që e ka dëshmuar me profaturë/ofertë.

SQARIM: Nëse zgjidheni përfitues i grantit, atëherë nënshkruhet Kontrata me Komunën/DZHE dhe pastaj duhet të sjellët **Fatura dhe transferi bankar** e bërë nga xhirollogaria e biznesit tuaj tek operatori ekonomik (shitësi), me të cilën dëshmohet blerja e pajisjes/ve. Atëherë Komuna e bënë rimbursimin e mjeteve financiare në vlerën e grantit.